

佛說大方等大集菩薩念佛三昧經

伐



佛說大方等大集菩薩念佛三昧經卷第一

伐

隋天竺三藏達磨笈多譯

三昧分序品第一

一切經南都古光

尔時婆伽婆在王舍城耆闍崛山中與大比丘眾千二百五十人俱一切皆是大阿羅漢諸漏已盡無復煩惱心善解脫慧心解脫調

伏一切猶如大龍捨離重擔不受後有所作
已辦獲真已利住平等智入解脫門自在得
度衆苦彼岸惟除尊者阿難一人復有無量
諸菩薩摩訶薩衆皆從十方世界來者各與
一切菩薩摩訶薩衆俱復有無量淨居諸天
子其名曰難陀天子須難陀天子栴檀那天
子須摩那天子自在天子自在天子難勝
天子善威光天子如是等諸天子衆過夜半
已放大光明直照於此耆闍崛山已咸詣佛
所頂禮尊足即以天多摩羅跋香天沉水香
天多伽羅香天末栴檀香及牛頭栴檀香如
是等種種諸香慇懃再三散於佛上已復以

天散華及天雞娑羅華摩訶雞娑羅華曼陀
羅華摩訶曼陀羅華曼殊沙華摩訶曼殊沙
華阿地目多華以如是等種種衆華亦慇懃
再三散於佛上已而復漸進前詣佛所右遶
三帀一心恭敬合十拍掌稽首禮佛退住二面
尔時諸天子衆各如是念念此菩薩念一切
佛三昧法門過去諸如來應供等正覺已獻
於彼天人大衆中宣揚分別利益一切諸衆
生故今我世尊豈不爲斯天人大衆梵摩沙
門婆羅門諸龍夜叉軋闍婆阿修羅迦樓羅
緊那羅摩睺羅伽人非人等敷演宣說如是
妙典爲欲利益一切世間天人大衆故亦令

未來世一切衆生咸蒙利益故尔時難陀天
子須難陀天子栴檀那天子須摩那天子自
在天子大自在天子難勝天子善威光天子
如是一切諸天子衆作是思惟已即白佛言
世尊婆伽婆今此菩薩念一切佛三昧法門
過去諸如來應供等正覺已曾爲諸天人大
衆梵摩沙門婆羅門諸龍夜叉乾闥婆乃至
一切人非人等敷揚演說如是經典利益世
間諸衆生故惟願世尊大慈哀愍今亦爲此
天人大衆梵魔沙門婆羅門及彼一切人非
人等演說如是方等法門令諸世間多獲利
益安隱快樂故尔時世尊大悲熏心爲欲利

益一切世間諸衆生故默然受是諸天子請
時諸天子見佛默然知聖哀許頂禮佛足圍
遶三匝即於耆闍崛山忽然不現還於天宮
尔時世尊過夜後分將明旦時便作大師子
王馨歎之聲而復微笑時佛如來應供等正
覺忽發如是殊異聲已須臾之間是耆闍崛
山精舍所有諸比丘衆承佛威神一切皆悉
集於如來應供等正覺所尔時復有衆多異
阿蘭若處諸比丘等具大神通有大威德亦
皆承佛威神俱從阿蘭若處來入耆闍崛山
集如來所尔時王舍大城一切諸比丘尼亦
皆承佛威神入耆闍崛山集如來所尔時摩

伽陀國主韋提希子阿闍世王與無量百千眷屬前後圍遶入耆闍崛山集如來所

尔時復有諸夜又大將其名曰阿吒婆迦曠

野居夜又大將伽陀婆迦驢形夜又大將金

毗羅摩竭魚夜又大將須脂路摩針毛夜又

大將摩羅陀黎持華鬘夜又大將如是等諸

夜又為首并餘諸夜又輩有大威神具大勢

力各與無量百千眷屬前後圍遶入耆闍崛

山集於佛所尔時復有諸阿修羅王其名曰

大叫羅睺阿修羅王種種可畏毗摩質多阿

修羅王須娑睺善辟阿修羅王波訶羅舒展

陁阿修羅王有大威神具大勢力聞佛聲歎

聲心生驚悚舉身毛豎各與無量百千眷屬
前後圍遶來入者闍崛山集於佛所尔時復
有此三千大千世界所有諸大龍王及其眷
屬彼各聞佛聲歎聲時心生驚悚身毛皆豎
承佛威神來入者闍崛山集於佛所尔時舍
婆提大城給孤獨長者亦與無量百千眷屬
前後圍遶自舍婆提詣王舍城入者闍崛山
集於佛所為欲恭敬供養如來聽聞正法故
尔時毗舍離大城亦有無量諸梨車子皆生
大淨婆羅門家其名曰善思梨車子伏怨少
壯梨車子功德生梨車子無邊手梨車子舉
手梨車子然手長者子如是等而為上首皆

已久住無上大乘各與無量百千眷屬前後
圍遶自毗舍離詣王舍城入耆闍崛山集於
佛所。爾時瞻波大城復有無量諸長者子已
於過去供養無量無邊諸佛種諸善根具大
威德有大勢力其名曰善住長者子利益長
者子無邊精進婆羅門子如是等而為上首
及餘無量長者居士各與無量百千眷屬前
後圍繞自瞻波城詣王舍城入耆闍崛山集
於佛所為欲恭敬供養如來聽聞正法故。
爾時波羅奈城有無量種異類人眾已於過
去供養無量百千諸佛植諸善根皆已純熟
自波羅奈詣王舍城入耆闍崛山集於佛所。

爲欲恭敬供養如來聽聞正法故。爾時拘尸
那城復有無量諸力士末羅子亦曾供養無
量百千諸佛世尊。以久熏修諸善根故。有大
威德。具足勢力。亦與無量眷屬圍遶。自拘尸
那詣王舍城。入耆闍崛山。集於佛所。亦爲恭
敬供養如來。聽聞正法。故爾時東方過無量
恒河沙諸世界中。一切大梵天王并餘天衆
有大威德。具大神通。聞佛世尊大師子王。聲
歎聲時。咸大驚悚。舉身毛豎。承佛威神。各與
無量千萬天衆眷屬圍遶。皆自本處發來詣
此娑婆世界王舍大城。入耆闍崛山。集於佛
所。如是南西北方四維上下。皆有如是無量

恒河沙世界所有一切大梵天王及餘天衆
有大威德及大神通聞佛世尊大師子王聲
歎聲時亦咸驚悚舉身毛豎承佛威神各與
無量千万天衆眷屬圍遶皆自本處發來詣
此娑婆世界王舍大城耆闍崛山集於佛所
尔時耆闍崛山其地弘博縱廣正等如此三
千大千世界大衆充滿無有空處如杖頭許
然彼大衆皆有無量大威德力及大神通一
切天人諸龍夜叉輒闍婆阿修羅迦樓羅緊
那羅摩睺羅伽人非人輩皆悉充滿
尔時世尊知諸世間天人大衆一切集已復
發如是大師子王聲歎之聲發大聲已自精

舍出至一方所而復微笑時諸世間天人
大衆觀是事已各捨已服及諸華鬘以種種香
而散佛上供養恭敬至心瞻仰尔時大衆中
有尊者舍利弗尊者目捷連尊者大迦葉尊
者須菩提尊者富樓那弥多羅居士尊者羅
睺羅尊者大劫賓那尊者大迦葉尊者阿
泥樓陀尊者護世尊者守龍那尊者難陀尊
者阿難等而爲上首及餘一切諸大聲聞皆
是大德具大神通一切皆來集斯會坐尔時
大衆中復有尊者弥勒菩薩摩訶薩越三界
菩薩摩訶薩踊大步菩薩摩訶薩初發心即
轉法輪菩薩摩訶薩善思菩薩摩訶薩大音

聲菩薩摩訶薩善行步菩薩摩訶薩越三世
菩薩摩訶薩持世菩薩摩訶薩文殊師利菩
薩摩訶薩不空見菩薩摩訶薩等而爲上首
及餘無量無數菩薩摩訶薩皆於過去無量
諸如來所種諸善根衆行熏修功德成滿久
已得住阿耨多羅三藐三菩提爾時尊者不
空見菩薩摩訶薩見佛世尊復微笑已從座
而起整容服偏袒右肩右膝著地合掌向
佛而說偈言

最勝無上兩足尊
一切世間無等侶
常施貧窮諸所須

無緣不應現微笑
惟願爲我演笑因
亦說大乘最妙寶

能與生盲決眼膜

今事微笑何因緣

世尊三界尚無比

何況世間得論勝

能作世間大導師

今應顯笑有何緣

尔時世尊即告不空見菩薩摩訶薩言不空

見汝今見斯勝地方所左右邊動衆相莊嚴

可愛樂不不空見言如是世尊如是婆伽婆

佛復告言不空見汝應當知此地方所往古

諸如來應供等正覺已曾受用教化遊居尔

時不空見菩薩聞佛教已速疾而行趣彼方

處至彼方已便入三昧住三昧時自然成就

上妙寶座種種莊嚴皆悉具足嚴飾座已還

詣佛所頭面禮足而白佛言世尊今此方處

莊嚴若是惟願世尊亦當及時處斯勝地亦
時世尊便往方所至方所已如法昇座於是
如來應供等正覺昇此座時如此三千大千
世界一切大地六種震動所謂動徧動等徧
動震徧震等徧震涌徧涌等徧涌吼徧吼等
徧吼起徧起等徧起覺徧覺等徧覺東涌西
沒西涌東沒南涌北沒北涌南沒中涌邊沒
邊涌中沒時此大地如是動已佛神力故徧
此世界有大光明令諸衆生等受快樂下至
阿鼻大地獄中所有衆生蒙光觸身諸苦消
滅等受快樂如是一切諸地獄中受苦衆生
及以諸畜生輩更相殘害閻羅王界諸餓鬼

等遇斯光已。所有苦具皆悉消除。飢渴充滿。無有衆生不受樂者。當尔之時。一切衆生悉捨惡念。皆起慈心。遍相愛樂。各懷悲愍。猶如親屬相視。歡欣和合同坐。於是讚曰。

世尊處斯座

能放大光明

大地六反動

令衆生歡喜

如來處斯座

法王放光明

當知如是時

衆生等受樂

正覺處斯座

大智歸依處

放光利世間

徧照此佛刹

奇哉是大乘

最勝乘無上

如來處斯座

利益難思議

奇哉是大乘

最勝乘無上

沙門婆羅門

於此莫能測

尔時世尊出廣長舌徧覆於此三千大千世

界已告諸菩薩摩訶薩及諸大聲聞衆言諸
善男子汝等當知昨中夜後歎有淨居諸天
難陀天子須難陀天子栴檀天子須摩那天
子難勝天子乃至須多波天子等與無量諸
天子有大威德具大神通放盛光明直照者
闍崛山來至我所即以種種天妙香所謂
天末栴檀乃至天多摩羅跋香等散於我上
復以種種天華所謂優鉢羅華乃至大曼殊
沙華等供養於我右遶三周頂禮我足退住
一面彼退住已更於我所增敬上心合十指
掌默然而住住已即作如是思惟今此一切菩
薩念佛法門過去諸如來應供等正覺已曾

為彼天人大眾宣揚解釋惟欲安樂彼諸眾
生今者世尊亦當為此天人大眾如是演說
念佛法門安樂利益諸眾故彼諸天子如
是念已即便請我說此法門時我默然許為
其說諸天知己於是不現亦時世尊即說頌曰
比丘知昨中夜後
淨居天王摩醯羅

將諸天眾及眷屬
難陀及以須難陀
須摩那天梅檀等
乃至難勝須多波
普放世間勝光明
直照此山耆闍崛
彼天既來至我所
以天華香而供養
然始右遶我三周
頂禮恭敬一面任
彼諸天子默生念
今此念佛修多羅

過去最勝曾廣宣
我今釋尊十力具
利益世間諸群生
諸天念已便發請
我故欲於耆闍山
天知我已許之故
一切咸復恭敬禮
比丘汝輩當善聽
莫於是處生驚疑
往替諸佛所行道
現在一切人中尊
當來大悲愍世者

憐愍世間衆生故
寧不演說斯法門
安隱一切天人故
時我默然遂許之
如先諸佛所演說
生大歡樂尊敬心
右遶三周然後去
我聞過去諸佛說
諸如來智難可測
我先知盡無復疑
所得菩提我已證
自然法身我覺知

我今具足無礙智

如是大智難解

超出世間無與等

一切衆生莫能測

大方等大集菩薩念佛三昧分不空見本事品第二
尔時世尊告尊者舍利弗尊者大目犍連尊者
者大迦葉尊者須菩提尊者富樓那弥多羅
居士如是等具足神通有大威德諸大弟子
言汝諸比丘如汝所知依汝境界當於我前
各師子吼何以故若汝說者今此一切天人
大衆諸聲聞人咸得信解故尔時世尊復告
弥勒菩薩摩訶薩文殊師利菩薩摩訶薩越
三界菩薩摩訶薩超不思議菩薩摩訶薩善
行步菩薩摩訶薩初發心即轉法輪菩薩摩訶

訶薩善思惟菩薩摩訶薩大音聲菩薩摩訶
薩持世菩薩摩訶薩不空見菩薩摩訶薩等
言不空見汝今應當大師子吼決定請說諸
佛世尊所得功德真實相貌汝若請者則能
利益一切世間諸衆生輩是故我今躬自勸
汝時彼不空見菩薩聞聖教已即於佛前以

偈讚曰

世尊百福金色身

慈悲妙覺第一義

功德智慧斯無減

忽令我請何因緣

無有等類人中尊

世間勝智靡超者

法王功德已究竟

何緣今日勸我請

佛滅清淨禪第一

智慧深妙解脫真

解脫知見先圓滿
法王威儀咸具足
既能自利亦利他
世尊慈悲久淳至
無障礙辯難稱量
能施一切貧乏財

勝尊能令怖者安
佛身滓穢不能汙
生處王中聖王家
聖衣離身四指間
旋嵐巨風吹不動
世尊尋常行路時

何故今日勸諮問
一切世間最尊雄
大師何因勸我請
曠劫常行無怨親
何因出尊令我請
亦開世間生盲眼

何緣世尊勸我請
衣服本來離塵垢
何因今者方勸請
終無近體而能住
聖尊何事而勸請
所至窻四自平滿

或經高阜即坦然
世尊身相悉圓滿
由得不壞難思議
我觀世尊迴顧時
無有神足若如來
世尊光明所照觸
但能暫觀如來光
世尊行時足動塵
乃至壽終隨意生
若人遭病受大苦
暫蒙世尊以手摩
世尊法身具斯力

何因今日令我議
行步肢節無動搖
不應今日令我請
大地便隨六返動
如是自在人中最
能令狂者不失心
或時失念旋即復
衆生遇者七日樂
故我歸命與樂者
衆痛酸迫不能堪
即得安隱不可說
皆因曠劫長時修

是處終無有疑惑

人中獨尊種種能

我今還白天人師

導師不應勸我請

調伏大仙度一切

是故不應勸我請

爾時世尊復告不空見菩薩言善哉善哉汝

不空見快說是事善思念之吾當解說不空

見言如是世尊惟願廣釋我今諦受佛告不

空見我念過去無量無邊阿僧祇劫時彼有

王名無邊精進有大神通具足威德正法治

化所居大城名曰善住其城寬曠東西具滿

十二由旬南北唯有七由旬半城有七重其

城重別皆以七寶所謂金銀瑠璃玻瓈碼碯

磲磔真珠珊瑚盡用如是眾寶間錯復次不

空見當知彼城城有四面面別三門門各著
有二闕相對樓閣高廣莊嚴殊麗具足咸以
妙寶合成當其門中豎帝釋勝幢以爲門閭
乃至所有楣棖樞闔一切皆是衆寶廁寶復
次不空見彼城諸門或有金銀二種絡網羅
覆其上復於網上種種嚴飾金網銀鈴銀網
金鈴清風吹動出微妙音具足和雅猶如天
樂復次不空見彼城七重於七重內具足寶
階斯有欄檻鏤綺分明七寶所成雜色可愛
於金欄處垂白銀昔於銀欄所懸真珠昔於
珠欄處懸琉璃昔乃至種種諸綵交錯衆寶
間懸互相映發復次不空見彼城七重周而

皆有寶漸圍繞所謂金銀琉璃玻瓈碼碯諸
種莊嚴皆用寶成其漸各有七寶階陛雜色
分炳微妙可觀復次不空見彼精進王諸漸
水中妙華盈滿所謂優曇鉢華鉢頭摩華拘
物頭華分陀利華如是衆華光明可愛鮮潔
柔軟芳列遠聞衆生受用無遮護者復次不
空見彼精進王其漸岸上植種種華所謂左
文迦多華鉢帝劔華阿地目多迦華瞻波迦
華婆梨師迦華拘毗羅陀華達奴迦利迦華
如是諸華香鮮可愛猶如天華民人取用亦
無遮護復次不空見彼城各有七重行列多
羅寶樹周帀圍繞鮮明可愛七寶合成其黃

金樹白銀為葉及以華果白銀樹者真珠為
葉及以華果真珠樹者琉璃為葉及以華果
琉璃樹者玻瓈為葉及以華果玻瓈樹者碼
碯為葉及以華果碼碯樹者碑磔為葉及以
華果碑磔樹者赤真珠為葉及以華果赤真
珠樹者珊瑚為葉及以華果珊瑚樹者真金
為葉及以華果復次不空見諸多羅樹兗茂
可觀微風觸動出妙音聲若得聞者歡喜受
樂如人作樂能出種種微妙音聲若有得聞
無不愛樂彼多羅樹風來觸時出微妙音令
人樂聞亦復如是復次不空見彼王城中常
有如是種種諸聲未曾斷絕所謂象聲馬聲

車聲步聲鼓聲貝聲笙篳篥聲琴瑟琵琶箏笛
笳簫如是一切種種音聲未曾暫息王恒宣
令國內民人誰有所須飲食衣服象馬車乘
隨意所須皆悉給與復次不空見彼王城外
多羅樹林行人遊處在下休息若飲若食或
卧或坐聞此寶樹諸微妙音莫不皆受五欲
妙樂復次不空見彼精進王於大城內近遠
皆如一射箭所置一華池四岸及底皆四寶
成四面階道七寶莊飾所謂黃金階道白銀
莊飾白銀階道琉璃莊飾琉璃階道玻璃莊
飾玻璃階道碼碯莊飾碼碯階道珊瑚莊飾
珊瑚階道琥珀莊飾衆寶雜廁見者歡喜復

次不空見彼池復有諸種妙華所謂優鉢羅
華鉢頭摩華拘物頭華分陀利華如是衆華
香氣芬馥衆生聞者無不愛樂於池岸上復
植諸華所謂伊尼摩迹乃至達菟迦利華衆
華可愛猶如天華彼華池門常開不閉人民
往來無遮禁者復次不空見彼精進王於大
城內置遊觀園於諸園中復有種種七寶樹
林常有華果王與夫人後宮侍御同共遊處
歡欣取樂門亦不限任彼人民遊觀嬉戲等
受快樂復次不空見又於彼園內面各一箭
所別置華池亦以金等四寶所成復用七寶
嚴飾階陛衆色光麗見者樂觀彼池水內種

種諸華所謂優鉢羅華乃至分陀利是等衆
華芳鮮可愛池岸復有多種林樹及諸華果
所謂娑尼斫迦華陀摩那伽乃至達菟迦利
華是等華果香鮮可愛人民取用無遮禁者
復次不空見彼精進王稟性仁愛慈念衆生
如母愛子亦常深心敬事沙門婆羅門刹利
長者如子事父復次不空見彼王形量瓌偉
挺異常人身體圓滿衆相具足面目端正顏
色光榮威德弘普天人愛敬復次不空見彼
正宿植德本生刹利家種姓尊高世無勝者
所生父母七世清淨妻子眷屬福慶會同無
有一人行過非者復次不空見彼王以福業

故天下曲且饒凡是百味恒滿倉厨總錦諸珍
盈溢府庫

佛說大方等大集菩薩念佛三昧經卷第一

伐

笈多

阿寂靜處也

上其業反

磬欵

此云華護

上昔頂反

下莫

舒展

上音

驚悚

下息

蘭若

下汝者反

為法譽道休

小新町米屋平兵衛

